

Izdvojeni komentar: Šta je s "krupnim ribama" u Tuzli i Kantonu?

U povodu intervjua glavnog tužioca TK, Tomislava Ljubića, u kojem, među ostalim, ističe kako "skoro dvije trećine tužilaca treba pomesti", objavljujemo komentar jednog od naših čitalaca koji nam djeluje poseban.

"Rezultati, rezultati, rezultati, rezultati... Poštovani, to se traži od institucije koju Ti predstavljaš. Na glavu mi se popeo VSTV, odnosi u, oko i preko njega. 90% intervjua o njemu (VSTV). A ovdje, običnog građanina interesuje konkretni, kvalitetni učinak Tužilaštva TK.

Što je sa nedodirljivim, "krupnim ribama", u ovome gradu i kantonu?

Što je sa 15. majom, što je sa Hotelom "Tuzla"? Kako radnici kažu, krivična prijava je podnesena prije nekoliko godina!? Da ne nabrajam više. Mnogo, mnogo je još toga.

Želim da ti ovaj mandat bude bolji nego predhodni, te da budeš predvodnik institucije koja će imati mnogo bolje rezultate nego prije. Ustvari, želim svima vama u pravosuđu, u tužilaštvu i sudstvu, da napokon (i što bi trebalo biti prirodno) postanete istinske, moralne vertikale društva. Da budemo ponosni na vas, kao što su Italijani ponosni na svog Đovanija Falkonea, sudiju i borca protiv Mafije, Koza Nostre, Kamore i Ndrangete. I na kraju, nije ni za odmet sjetiti se njegovih riječi: "Onaj ko ćuti i spušta glavu, umire svaki puta kada to učini. Onaj koji govori glasno i hoda visoko uzdignuta čela, umire samo jednom."

Odnosi se to za sve nas, ali Bogami posebno za vašu struku", stoji u komentaru čitaoca pod imenom "neil young" (Identitet autora, inače Tuzlaka, poznat redakciji portala)

Date: 21-07-2019